

Coll PRIMUS *52*
IMPERII ROMANI
Ann A N N U S,

Augustissimi Cæsaris

JOSEPHI I.

Fracto calamo adumbratus,
LAUREATO HONORI
ILLUSTRISSIMORUM
DOMINORUM

In Antiquissima ac Celeberrima
UNIVERSITATE VIENNENSI
P R O M O T O R E
R. P. SIGISMUNDO
PUSCH, è Società JESU,

AA. LL. & Philosophiæ Doctore,
ejusdémque Professore Emerito

Supremâ Philosophiæ

Condecoratorum,

A Condiscipulis Philo-

NEO-DOCTORIBUS

Dedicatus,

Die XIX, Augusti, Anno MDCCVI

Viennæ Austriæ, Typis Joannis Georgii Schlegel.



*ILLUSTRISSIMIS
DOMINIS,*

D. MAXIMILIANO
Comiti de Dragoni,

D. JOANNI JOSEPHO
L.B. de Ugeszdt,

D. PHILIPPO LUDO.
VICO S. R. I. Comiti de
Franckenberg,

D. RUDOLPHO S. R. I.
Lib. Bar. de Walbott, &
Bassenheim,

Sacræ Cæsareæ Majestatis
Ephebis,

*Augustissimâ Ejusdem Effigie
Donatis.*



*Aureis palmas, & oleas
innectimus, dum Augustissi-
mi Caesaris JOSEPHI
Primi, primum Imperii Ro-
mani annum verè Augustum fracto ad-
umbratum Stylo Laureato honori vestro
dedicamus. Decebat siquidem ut ferali-
bus cupressis, quæ primas Philosophiæ
Laureas in Magni LEOPOLDI occa-
su funestaverant, triumphales palmæ, &
virentes semper oleæ succederent, quas
ad Serenissimum ter Augusti Monarchæ
ortum, aut Victor Gradivus messuit, aut
Clementia Austriaca decerpfit. Si displicet
Calami tenuitas, veniam merebitur
dignitas argumenti. Nil tantæ Majesta-
ti par, fracto Stylo poterat his paginis con-
signari. Desudabit operiosius historia, quæ
suos*

*suos olim fatigabit Livios, ut immortalita-
tis secura, semetipsam cum Augusti Trium-
phatoris gloria consecret eternitati. Vobis
interim nil jucundius, quam Augustis-
simi Solis radios etiam in umbra legere,
cujus Majestati Studia Vestra, vitam, &
Sanguinem pridem devovistis. Vivite,
& favete*

Laureato honori Vestro

Addictissimis Condiscipulis

Neo - Doctoribus
Philosophis.



TITULUS. I.

Magno LEOPOLDO, die V. Maji,
feriâ III. Hydroke sublato, succedit
Augustissimus Coronarum Hæres JOSE-
PHUS I. qui sumpto prius Eucharistico
Epulo, Romanorum Imperator salutatur.

Attolle Germania verticem,
Et funebres absterge lachrymas,
Quas in Magni LEOPOLDI occasu
Atra nubes moeroris depluit.
Amisisti merlum in undis Solem,
Sed post funestæ noctis nubila
JOSEPHUS PRIMUS
Sol novus exoritur,
Qui vel ipso Augustus nomine
Majo debitam invehit serenitatem.
Feralem Martis, Mortisque diem
Auspicata dies Jovis sequitur,
Quâ exoriens Successor Monarcha
In Romani Imperii firmamento emicat.
Hyemem ulterius nè metue,
Ubi belli, & pacis gloriâ,

Crescens Majestas
Solstitio caret.

Ut verimposterum habeas perpetuum,
Primam in cœlesti Ariete
Stationem figit,
Dum Imperii Zodiacum
Ab Agno Eucharistico incipit.
Genethliacus hic Magnitudinis
Austriacæ Horoscopus est,
Sub quo mensis omnis
Aut bellicas inter laureas Martius,
Aut paciferas inter oleas Majus erit.
Hostilibus tantùm terris
Ferreæ tempestas imminet,
Quarum Flores
Victricium armorum grandine
Flans Auster prosterneat.
Fœcundum Electorum frumento
Josephinum manipulum
Quidni minores spicæ
Submisso vertice adorarent?
Ex illo victrices adorææ germinant,
Quas in fertilem gloriæ messem
Austriaca Bellona colligit.
Ad corpus istud
Cæsareæ congregantur Aquilæ
Ut auctis viribus

Ultricia in hostes fulmina vibrent.

Felix Imperium!

Cujus fastigium Monarcha occupat,
Qui Exercituum invictus Ductor
Et laureatus Triumphator
Imperatorem prius, quàm Cæsarem
Agebat.

Bis sua in Landavio Pergama
Objecit bellatrix Gallia;
Cui geminos inclusit Hectores,
Ut Achillis triumphos geminaret.

Urbem unicam

Vallis munitam, & paludibus,
Missilibus, ac subterraneis sævientem
ignibus

Inter aëris ferocientis injurias,
Dum Bellator Augustus obsidet,
Omnia vincit elementa.

Miles idem, ac Bellidux,
Dum inter fulminantium machinarum
Tonitrua

Pectus Regium periculis opposuit:
Hoc clypeo protexit Exercitum,
Et invictum reddidit.

Nec mirum;

Vigilabat pro Principe DEUS,
Quem in castris stationarium habuit.

Dum Eucharistico Numini
Tabernaculum erexit.

Hic nempe Panis

Bellicus est Martis Austriaci comēatus.

Excubabat vicissim

Coram Numine Princeps,

Quod publicâ Religione sic coluit,

Ut Regem à grege

Non purpura, sed pietas discriminaret.

Rejectâ aulæorum pompâ,

Et pulvinarium apparatus,

Dum nudam humum,

Prostratus in genua

Verè humili majestate premit,

Scipione felicior

Eandem in palmas,

Et laureas foecundat;

Incumbenti tanto oneri

Tellus impar, succussa intremuit,

Et propugnacula fatiscere coëgit.

Regiam magnitudinem

Cùm portarum angustiae

Non admitterent;

Ut Victori referaret aditum,

Valla, & aggeres Bellona diruit,

Tam vastis undique rimis,

Cùm hiarent moenia,

Ne

Ne sanguineo mergeretur naufragio,
Urbs cedere nescia fastum deposuit,
Et Marti ultori cedere didicit.

Arrogantem

Cùm Victor Augustus posset perdere,
Servare maluit,

Ut una in Urbe geminum
Fortitudinis, & Clementiæ
Trophæum erigeret.

Quot munimenta eidem restituit,
Tot Amoris, & Timoris Regii
Monimenta posuit.

His saxis

Laureato inculptam ferro
Augusti Triumphatoris Gloriam
Leget Posteritas.

Habet Landavium,

Unde novo se fastu erigat;
Quodd non aliâ, quàm Regiâ
Captum manu


Ad pristinam rediverit libertatem.

Agnosce igitur tuam felicitatem,
Germania,

Cui gemino triumpho inclytus
Germanorum Cæsarum
Quinquagesimus Primus
Novum aperit Jubilæum.

Trepidate Regna hostilia !
Quibus in fatis est,
Ut radiis depositis Sol, & Luna
JOSEPHUM
Adorent.





TITULUS II.

Post oblatam frustra confœderatis Hun-
gariæ Magnatibus pacem, adsitum Da-
nubio munimentum Pax à Cæsareo milite
die XXI. Junii expugnatur; Leopoldopolis
in libertatem asseritur, & die XI. Augusti,
profligatus in agris Tyrnaviensibus hostilis
exercitus, à prætoriano Duce, Comite Her-
bevillæo, castris exuitur.

Annus idem,

Qui funebres cupressos in vere dederat,
Æstatem laureis virentem habuit.

Harum primitias

JOSEPHI Primi Gloriæ
Mars Cæsareus in Pannonia decerpfit.

Displicere poterant,

Quòd Austriaca Clementia

Oleas præ palmis diligit;

Nisi has æquissima Nemesis

Vindice mesuisset gladio,

Postquam affuso oblatae pacis oleo,

Belli fax ampliùs exarsit.

Ut ergo sui Majestatem Principis
Timere discerent,
Qui amare detrectabant,
Fulminatrices primùm aquilæ
Ad vindicandum Pacis munimentum
Advolârunt:
Septena hostium millia arcem
insederant,
Quam tueri poterant,
Nî foris ultrix Bellona,
Intus rea conscientia
Duplicatis tormentis
Propugnantes expugnâsset.
Vix tridui obsessa spatio
Pacis Regia
Dedignata Pacis osiores incolas
Ad amantem Pacis Principem redivit.
Una, eadêmque dies
Phæbo simul, & Phaëtonti
Solstitium attulit:
Dum retrograda in Cancro felicitas
decrefcere cœpit.
Hâc sede pulsus armatus furor
Ut belli flammæ alibi spargeret,
Ab Istro ad Vagum abiit,
Et vicinam sibi Moraviam
Ad fœdera evocavit.

Spre-

Sprevère ignes fatuos,
Fideles Marcomanni,
Quorum Constantia
Feralia inter Patriæ busta
Aurea effulsit.

Quinimò Adamantinam dixeris;
Quæ repetitos inter ferri ictus
Infracta perstitit.

Non tamen id impunè tulit
Hostilis ferocia,

Quæ illata terris alienis incendia
Suo sanguine extinguere coacta est.
Grandi ambitu, sed grandiori temeritate
Leopoldopolim ausa cingere,

Id unum sapienter egit,
Quòd profundis delitescens in foveis,
Propius non accederet,
Nè fata gigantum sua clade renovaret.
Horruit nimirum fulmina,

Quæ Jovis atria
In sacrilegos invasores evibrant.
Ut suis è fossis latentes propelleret,
Vix gradum moverat,
Cæsaris Gradivus;
Cum solo terrore victi obsessores
Præcipiti gradu aufugerunt.

Ita novo bellandi genere,

Quem necdum viderat hostem,
Solo tympanorum strepitu
Mars Austriacus profligavit,
Victorem militem,
Ab urbe liberata reducem
Suo confidens numero,
Hostium temeritas Ausa laceßere
Non tam bellandi, quàm venandi
Campum aperuit.

Stabant sub Labaris
Quadraginta quinque conjuratorum millia;
Sed vix primæ imminebant aquilæ;
Cum sæpe tygridum sub exuviis
Lepores delitescere,
Fuga docuit.

Octingentis solum in acie cæsis,
Ut imminentem cervicibus gladium
Reliqui pede celeriori fugerent;
Abjectis armis,

Munita bellicis tormentis castra
Victoribus spoliis reliquerunt.

Pars inter Sylvas, & memora
Ad ferarum latibula abiit;
Pars Vagi hausta fluctibus,
Vitæ, & Famæ naufragium adiit;
Pars ad invias delata paludes,
Debitas suæ constantiæ palmas,

Arun-

Arundines collegit.
Peraetâ campestri,
Jucundiorē inter aquas, & nemora
Venationem instituisse
Mars Cæsareus;
Ni destinatam aquilis victricibus prædā
Nox abscondisset,
Ne mirare,
Gentem fortissimam,
Iisdem cum Marte Incunabulis editam
Adversis cladibus atteri,
Cui primum bellorum præsidium
Æquitas armorum deest.
Trophæum isthic
Ex triginta æreis machinis
Et captis quadraginta vexillis
Milites Victores erigite,
Ac reportati triumphī diem,
Quæ mensis Augusti
Numerabatur undecima,
Clypeo inscribite,
Nimirum:
Celebratus pridie Divus Laurentius
Tot reis incendiorum hostibus
Flammas intulit,
Et debitas Augusto Hungariæ Regi
Laureas porrexit.



TITULUS IIL

E*xpugnatis minoribus in Italia muni-
mentis fluviiisque pluribus jam su-
peratis, sub Inviictissimi Cæsaris JOSEPHI I.
auspiciis, Gallorum Exercitus ad Cassanum
cæditur die XVI. Augusti, & hac victoria
Taurino imminens obsidio impeditur.*

Belli theatrum Italia
Ut invictissimo Romanorum Cæsari
JOSEPHO PRIMO
Debitum tributum solveret ;
Quas copiosè educat,
Laureas transmisit.
Has ille Sabaudus Hercules,
Germaniæ Ultor, & Galliæ Terror,
Inter Liliorum stragem
Eugenius collegit.
Decebat Augustum mensem,
Altero Cæsaris
Semper Augusti Triumpho
Augustiorem reddi.
Præcessère minora prælia,
Majoris præludia,
Quibus

Quibus devictæ alpes,
Superati lacus,
Et unâcum fluviiis,
Plura jugum subierunt munimenta.
His nempe gradibus, Austriæ Gradivus
Semitam ad palmas erigit,
Quæ summo tantum
in culmine germinant.
Tandem arenam Martiam
Plusquàm decumano Prælio
Dies Augusti
Ultra decimam sexta reseravit.
Suis illa auspiciis favebat
Quæ Virginis sidera ingredientis
Triumphum proximè secuta,
Depluas è cœlo palmas
Mariano Duci præfagiebat.
Sub laureato Imperatore
Assvetus victoriis miles
Plùs bellicæ æstu gloriæ,
Quàm Syrii calentis ignibus ardebat.
Ardorem hunc ut extingveret,
Hostilem sitiebat sanguinem,
Non aliâ, quàm armatâ manu
Hauriendum.
Auro emant alii;
Suas Hectores Germani laureas

Ferro metunt.

Vix primi sonuere litui,
Cum secundâ post meridiem horâ,
Secundis Aquilis hostis invaditur.
Stantem ad Cassanum Liligeram aciem
Aggeribus terra, alveis aqua,
Ventis aër, tormenta flammis,
Conjuratis scilicet Elementis natura
Undique muniens,
Securam fecit, tutam non reddidit.
Olympum ipsum
Videbatur traxisse in foedera,
Pro qua Paradisi Arx
Tonitruis armata, & fulminibus
Decertabat.
Sed crevit ipsâ discriminum
multitudine
Heroa bellatorum virtus,
Quæ imbelles dedignata laureas,
Gloriæ magnitudinem,
Periculorum decempedâ
Novit mensurari.
Nec alveo, nec aggere prohibitus,
Victoriæ impedimenta virtute rupit
Mars Austriacus,
Ut obstantium aquarum meatus
Ardore bellandi crederes exsiccatos.
Tot

Tot inter valla securo agmini,
Fulminis instar,
Cladem citiùs intulit, quàm terrorem;
Dum plura eorundem millia
Justo furori immolavit.
Ut ignes evaderet,
Semetipsam in aquas præcipitans
Gemina Francorum legio,
Victori Gradivo pontem
Suis struxisset è cadaveribus;
Nisi cæforum sanguine
Novus fluvio tumor accrevisset-
Erubuit ad stragem Addua,
Cujus horrorem
Indignanti fluctuum assurgentium
Murmure detestabatur.
Grandi palmarum messe onustus miles,
Non bellando, sed vincendo fessus,
Ne victoriæ opprimeretur pondere
Triumphalem arenam
Hostili purpuratam sanguine
Iterum reliquit.
Victorum gloriam
Ne livor attollendo deprimat
Et Semi-Deos pugnâsse dicat,
Ipsos etiam Ducum Principes,
Eugenium Sabaudum,

Et

Et Josephum Lotharingum
Oportuit vulnerari.

Uterque Achille major
Quam declinare poterat,
Pari gloria, sed sorte dispari
Plagam retulit.

Hæc novam illi Virtutis Heroicæ
Insculpsit tesseram;
Istius magnæ animæ,
Ad Sidera aditum referavit.

Invieta fortitudine,
Ipsius mortis invidiam contrahens,
Cum in florentis ætatis vere
Jam satis vixisset gloriæ,
Non tamen Reipublicæ;
Id unum doluit,
Quod mori sæpius
Pro Cæsare non posset.

Geminos Duces
Quidni Castorem dicas, & Pollucem,
Quorum alter in astris emicans,
Immortalitatem possidet;
Alter in castris prælians
Eandem meretur.

Ut nomen utriusque Fama
Triumphalibus Fastis inferat;
Non alio quàm Heroum sanguine

Minio indiget.
Plausit interim sibi Gallia,
Quòd ita victa sit,
Ut amplius vinci possit:
Applausit Sabaudia,
Quòd imminentes Taurino flammæ
Cruento imbre
Mars Austriacus suffocârit.





TITULUS IV.

P*Eractis Augustâ Magnificentiâ, Magno
LEOPOLDO funebribus; Augustissimo
Cæsari JOSEPHO I. Archiduci suo, debitam
fidem Austria, die XXII. Septembris, publi-
ca inter Solemnia Juramento obstringit.*

Nuper dolorum,
Nunc gaudiorum nuntiæ
Austriacæ Alaudæ surgite,
Et clangentes inter aquilas,
Altiùs evolate!

Non lessum ampliùs,
Sed lætum Pæana canite;
Dum post atra veris nubila,
Serenior Autumnus emicat.
Irriguum tot imbribus Majum,
Uberrimo tandem gaudiorum fructu,
Lætissimus September vindicat.
Depone luctum Austria,
Et pulsâ nocte
Concolorem tenebris pallam exue.
Ut Auroræ æmula
Candidissimæ diei ortum,

Nati-

Nativo colore exprimas,
Purpuram assume.
Substitue taxo lauream,
Cedrum cupresso,
Et ferale Libitinæ feretrum
In curules verte triumphales.
Post funesti mæroris funalia
Publicæ lætitiæ indices,
Ignes festivos excita,
Et clausis Mausolæi foribus
Capitolium reclude,
Ut Augustissimus Archidux,
JOSEPHUS PRIMUS
Solum avitum scandat.
Succedit nempe Hercules,
Qui fesso ab Atlante depositum
Austriacum orbem fulciat.
Habes ruituræ nunquam,
Felicитatis columen
Quam gemino Amoris,
Et Timoris brachio
Invictus Alcides sustinet.
Tot annorum votis
Ad divæ Annæ Solemnia
Indultus Princeps,
Quidni populos
In amorem traheret,

Cui


Cui ipsa Gratia Lucinam egit?
Sub Leonis asterismo natus
Quidni hostes timore percelleret,
Cui Regales iras Sidus afflavit?
In medio bellorum turbine
Ad victorias genitus;
Non aliam, quàm Martis diem
Natalem habuit:
Ut diem Lunæ in noctem verteret.
Quas clades olim intentaret æmulis
Vix natus prodidit:
Cum insertum ori digitum
Minax momordit.
Hinc arma illicò
Hostilis Bellona posuit,
Et conclusâ Neomagi pace
Tranquillitatem pristinam
Europæ reddidit.
Sola perfidia seditionem alebat,
Ne parvo Herculi viperæ deessent,
Quibus fauces ludendo elideret.
Quid mirum,
Quòd nutrice gloriâ
Educata inter discrimina virtus
Præverterit ætatem.
Vix decimum annum attigit,
Jam parem Hydræ Ottomannicæ
Dextram

Dextram agnovit Hungaria,
Dum Coronam hæreditariam obtulit.
Felicitatem hanc,
Ne diutiùs Pannoniæ
Invideret Germania,
Altero statim anno
Imperii Augusti fasces
Augustæ obtulit.
Affurge igitur felix Austria!
Et primi quondam Augusti natalibus
Auspicatam diem,
Archiducis Ter Augusti
Publicâ inauguratione consecra!
Cinge patrio diademate verticem,
Cujus invictam galeam
Gallia bis victa trepidat,
Et Asia vincenda timet.
Augustis humeris impone purpuram,
Quam fuso hostium sanguine
Victrix Bellona tinxit.
Dexteræ Sceptrum inferere,
Quæ tumidos in Gigantes
Fulmina librare didicit.
Gladium laureatum præfer,
Quo foedera iniqua scindet,
Et implicatiorem Gordio nodum
Alexander solvet.

Adest

Adeste Proceres !
Quam tacito fovistis pectore,
Juramento publico fidem stringite;
Nunquam magis futuri liberi,
Quàm adamantinis vinculis,
Aureo Principi æternùm devincti
Occurrite Cives !
Et amabili horrore armati
Stipate latera Principis,
Quem junctus AMORI TIMOR
Ad solium deducit.
Clangite triumphales Buccinæ!
Resonate mœnia !
Et festivo tormentorum fragore
Gaudia civibus, terrorem hostibus
Nuntiate.





TITULUS V.

T*ransylvania propemodum oppressa erigitur, dum viginti quinque hostium millia, qui ductis aggeribus alpes clauferant, à Casareo Exercitu, Ductore Comite de Herbeville, die XI. Novembris insigni clade profligantur.*

Augustissimi Cæsaris
Geminatas mense Augusto laureas
Suis mense Novembri decimis
Dacia cumulavit.

Ut has colligeret;
Inter hiantes alpium angustias
Amplissimum vincendi campum
Mars aperuit.

Grandem ne mirare victoriam:
Pusilla esse non poterat,
Quam obstetricante fortunâ Cæsaris,
Et virtute militis,
Montes pepererunt.

Rupium fauces hostis infederat,
Ut intercluso suppetiis aditu,

Fa-

Facultatem respirandi demeret;
Et præfocatæ Daciæ ,
Quâ solâ vivebat,
Eriperet libertatem.
Novi Gigantes convallia fossis,
Montes aggeribus auxerant,
Quos ignem eructante metallo
Undique munitos
Annon castra Phlegræa dixeris?
Adjecerat suas Gallia suppetias,
Quæ mille Funditores miserat,
Ne sulphurea spargens incendia,
Centimanus Briareûs desideraretur.
Sed eorum experta fatum,
Quorum facta æmulari decreverat
Impotens ambitio ,
Vindice prostrata fulmine ,
Infamiâ cladis
Loco attulit nobilitatem.
Vix moles superba steterat,
Cum ministros inter fulminum alites
Bisultor Gradivus aderat!
Quot Belliduces , tot Alcides
Gigantum Domitores acies habebat.
Resolutum in pluvias cœlum
Quibus imbri sanguineo præluserat ,
Mox faciem sereniorẽ induit,

Ut

Ut heroa Bellatorum virtus
Solem haberet spectatorem.

Contemptâ loricâ,
Quam ferrum dederat,
Solâ munitus constantiâ miles
Nudum pectus telis opposuit:
Firmior sanè,

Quàm ut grandine plumbeâ
Ab aurea gloriæ semita
Posset deterreri.

Asperitate rupium, virtutem acuens,
Vallis, aggeribúsque ruptis,
Munimenta hostium

In suæ vertit fortitudinis theatrum,
Dubitaveris tamen,

Cædem, an pugnam dixeris,
Ubi sena peremptorum millia

Quas struxerant foveas,
Cadaveribus impleverunt.

Pars quarta conjurati exercitûs;
Ferro periit,

Ut non certâsse,

Sed pœnam â fontibus exegisse
Victor miles videretur.

Profligati cæteri,

Grandiores triginta ex ære machinas
Gravia nimium fugæ impedimenta,

Et sexaginta vexilla,
Levitatis insignia reliquerunt.
Affecuta fugaces
Insequentium celeritas,
Ferrum, quod manibus eripuit,
Pedibus iniecit.
Captus Christianissimi Regis
Ad Apostolici Regni
Proceres Legatus,
Splendore nominis
Auxit victoriæ claritatem.
Sic anseribus cæteroquin solis
Funesta dies,
Etiam Gallis cruenta accidit.
Inauspicata sanè arma
Hostes deponite;
Quæ avibus adeò sinistris geritis,
Dum bellum Aquilæ movetis.
Discite justitiam moniti,
Et non temnere Divos,
Postquam Cœlites vestri indigetes
Pro Cæsare vos cædunt.
Quos undecimo abhinc mense
Lapidaverat Stephanus,
Quos undecimâ Augusti die
Usserat Laurentius,
Hos undecimâ mensis undecimî die,
Plus-

Plusquàm decumanâ clade
Quondam Pannoniæ miles
Et Galliæ Antistes
Profligavit Martinus,
Triumphate milites,
Et nomen pristinum Novembri tollite,
Quem Martia virtus
Sub fortunato
Præsulis cognominis omine
Martium effecit.
Insculpite lemma rupibus:
ALPIUM CLAUSTRA
IGNE, ET ACETO HANNIBAL;
FERRO, ET SANGUINE
MARS AUSTRIACUS RECLUDIT.





TITULUS VI.

Superatis alpium claustris Victor Exercitus Transylvaniam ingreditur, ubi Claudiopolis die XV Novembris, prima claves Augustissimo Casari offert, & exiguo tempore universa Dacia, ad pristinum obsequium adducta recuperatur.

Quidni vinculis solutum verticem
Suo Vindici inclinaret Dacia,
Qui alpium catenam
Ferro rupit,

Ut auream captæ redderet libertatem.

Nemo rupes sterilitatis arguat,
In quibus nata victrix Laurea
Tam citò adolevit.

Rigente etiam hyeme,
Paucarum dierum spatio
Transylvania tota

In sylvam Victoriarum abiit.
Cæsaris invicti gladius,
Nec cæsis quidem saxis,
Hebetari poterat,

Quominus Laureas victrices meteret
Quam

Quamquam potius oleas dixeris,
Ubi Mars Augustus cassidem exiit,
Et domitas solâ clementiâ urbes
In fidem recepit.

Prima Claudiopolis

Clausas hosti fugitivo januas
Cæsareis aquilis ultroneè reclusit.

Quod viventi non poterat,
Præstitit obsequium posthumum
Leopoldo Cæsari

Dum ad festivam Nominis diem
Augustissimo Hæredi
Fasces submitit.

Emulabantur obsequium urbes aliæ,

Et quas præcipiti nimiùm fuga
Hostis perdiderat,

Certatim claves deferebant,
Maluere scilicet

Hospitem quàm hostem
Martem Austriacum experiri,
Paucas cunctari aûs

Ad debiti obsequii genus
Magistra morum

Fames adegit.

Hæc scopulis, sylvisque suis
Efferatos animos

Manfuetiores reddidit,

Et cicures effecit.

Unico expugnatis tormento oppidis,
Unicum pertinaciæ tormentum erat,
Quòd tardiùs clementiam fenserint,
Quàm citius poterant experiri.

Arces aliquæ
Propugnaculis everfis dirutæ,
Ut destructo in rupibus nido
Harpyiæ trans alpes avolarent.

Referatis igitur urbibus
Jani Januas Bellona clausit,
Ut pacis templum aperiret,
In hoc ad aram fidei

Legitimo rursus Principi
Se Dacia devovit.

Ambitiosa videri poterat,
Quæ non aliud

Quàm Augustum caput habere voluit,
Ut suis celsiorem rupibus
Verticem attolleret.

Adesto Mulciber!

Et conflatas belli machinas
In colossum erige,

Cujus basi

Hanc aureis litteris Epigraphen
Fama insculpat,

SUB
GLORIOSISSIMIS AUSPICIIS
JOSEPHI PRIMI
AUGUSTISSIMI CÆSARIS,
PII, JUSTI, FELICIS,
VICTORIS, TRIUMPHATORIS,
Incomparabili fide,
Et constantia singulari,
COMITIS RABUTTINI
Transylvaniæ Gubernatoris,
Intercluso suppetiis aditu,
Ad conservandas
Sub aureo Principe
Militis præfidiarii reliquias,
Argentea Domûs ornamenta
Largè dividendis,
Nec non invicto robore
Et Martia virtute
Cæsarei Exercitûs;
Prætoriano Duce
COMITE HERBEVILLÆO
Obsessa alpium claustra
Cæsis conjuratorum XXV. MILL.
Et ereptis XXX. Machinis
Iterum recludentis;
Hunc colossus,
Ut latiùs videretur,

In summis Montium jugis
Soluta jugo Dacia
INVICTISSIMO suo VINDICI
Ex ære captivo posuit
DISCAT AMBITIO AUGUSTO CEDERE
CUI ALPES PROCUMBUNT.



TITULUS VII

UT acceptam in Dacia cladem ulcisceretur hostis, Regiam Hungariæ Urbem Sopronium obsidione cinctum à die XXIV. Decembris ignibus infestat, sed invictâ civium constantiâ, & militum virtute repulsus, die X. Januarii accensis castris turpiter recedit.

Accensam belli facem
Nec suis quidem nivibus
Inimica Bellonæ hyems
Poterat sopire.

Decrescenti flammæ
Novum rursus alimentum addidit
Hostilis furor,
Ne extincto bellandi ardore
Mars frigeret.

Quàm cæca est ambitio,
Quæ victoriam in Dacia perditam
Tot accensis facibus
In Pannonia quærit!
Cum minores tædæ
Propulsandis hybernis tenebris

Non sufficerent ,
Ut rogam majorem accenderet ;
Infestis ignibus
Sopronium invasit.

Crediderat hoc incendio ,
Triumphantis nuper
Austriaci Martis gloriam ,
Aut extingui posse ,
Aut offuscari.

Acceptam mense Novembri cladem ,
Vindicaturus in Decembri ,
Eodem tempore ,
Quo sol Capricornum adiit ,
Adverso ariete

Urbis mœnia quatere cœpit.
Natæ mundo pacis nuntium ,
Ne audire cogerentur inviti ,
Qui pacem oderant ;
Machinarum bellicarum fragore
Sibi aures obtuderunt.

Prima ferocientibus Leopardis
Ignivomos inter colubros
In Monte Leonardi statio.

Novum Vesuvium exarsisse diceres ,
Qui feralia eructans incendia
Supremum excidium minaretur.
Primam stragem accepere suburbia

Qui-

Quibus flammea hæc procella
Sacram Deo nascenti noctem
In funestam cinerum diem vertit.

Ut lassatus furor
Exhaustas vires iterum colligeret,
Signa tantisper retulit.

Timuisse credas;

(Ne profanatâ principe festorum die.

Sacrilegii reus

Rursus à Stephano lapidaretur.

Vix se impunem viderat,

Atrociorem tempestatem coquens

Ad pristinam stationem rediit.

Cùm portas ferreas

Ferreâ solùm clavi

Referandas sciret:

Eâdem die,

Quâ Janus annum aperit,

Ferratâ cinctam acie

Urbem clausit.

Adhuc fumantia ædium busta,

Ut penitus extingueret:

Sparso missilium flammæ imbre

Nova incendia excitavit.

Immani grandine

Quassata civium tecta,

Sed inconcussa fides, & constantia

Neutiquam everfa,
Fatifcentibus tandem muris,
Ut urbem Regiam
Regalibus auspiciis caperent:
Consecratâ Tribus Regibus die,
Trino agmine mœnia invadunt,
Ne dux itineris Stella deesset,
Excussus in altum globus
Igneam trahens caudam
Assilientibus præluxit.
Haud alio fidere debuere dirigi,
Qui non Aurum, Thus, & Myrrham,
Digna Regibus dona,
Sed ferrum, sulphur, & picem,
Orci munera deferebant.
Infausti ominis cometam dixeris,
Qui Majestatis Regiæ
Contemptorem Fastum
Ad præcipitia deduxit.
Summa mœniorum fastigia
Temeritas attigit,
Ut in subjectas deturbata fossas
Graviori casu allideretur.
Ita vindices senserunt Reges,
Quos scelerum auspices
Impiè sperabant.
Tam cruentâ clade

Attri-

Attritus furor
Ignem propriis castris intulit,
Ut iniustam sibi infamiam
Sub cineribus sepeliret.
Idem incendium,
Quod hosti lachrymas,
Fumo elicuit;
Invieta civium fortitudini
Ad immortalis famae
Gloriam illuxit.
Quid Spartam jactas Graecia?
Etiam Regiae Soproniensium urbi
Civium pectora
Pro muro sunt.





TITULUS VIII.

T*Umultuantium in Bavaria rusticorum
Exercitus, dum felici temeritate urbes
complures occupat, tandem ipsam Ducatus
metropolim, Monachium invadit; sed
eruentâ clade à Cæsareo milite, Ductore L.
B. à Kriechbaum, die XXV. Decemb. pro-
fligatur.*

Dum pacem terris nuntiat Angelus,
Mars Boicus bellum intonat.
Rusticum fuisse ne dubita,
Qui missum cœlitus
Legatum non audit.
Ab armentis igitur ad arma,
A rastris, ad castra
Martiales Mopsi convolant.
Dum nato pacis Principe
Deberent gladios conflare in vomeres;
Falces in enses acuunt,
Ut palàm ostenderent,
Se homines non esse
Bonæ voluntatis.

Fratres Cadmæos dixeris,
Quos obstetricante stivâ
Tellus fulcata genuit.

Ex Draconis prodiisse dentibus,
Si aliunde nescias,
Seditio ostendit.

Id solum defuit,
Quòd armato in bella furori
Debita auspicia

Non Pallas, sed Pales dederit,
Crescentibus indies castris,
Divisum in manipulos agmen,
Quibus fœnum præferri debebat,
Insignita leonibus vexilla erigit,

Crediderant scilicet,
Immani harum belluarum rugitu
Fulminatrices Aquilas
Posse terreri.

Ne truncus exercitus
Capite careret;

Affuetos Galeæ Duces
Bellona dedit,

Cùm rigente hyeme
Casas æquè ac castra fastidirent,
Conjuratis viribus urbes obruunt;
Ne usitato amplius scommate
Inurbana Rusticitas diceretur,

No.

Nobiles sanè negare non ausis,
Qui Arcadum æmuli
Veterem jactant
Cum quercubus affinitatem:
Nisi generosos stipites
Herculeæ agnatos clavæ
Malis autumare.

Felix temeritas videri poterat,
Quæ excussum suo vertice jugum
Pluribus munimentis imposuit,
Nisi eadem
Majori infamiâ perdidisset.
Congestis undique spoliis
Intumescentem ferociam
Cum urbium minorum angustiae
Non ampliùs caperent,
Amplissimam Bavariae metropolim
Invadere statuit.

Hoc nempe Capitolium placuit,
In quo vocati ab aratro Consules
Manubias deponerent;
Et cæso Magistratu Cæsareo
Calcatisque Augustis Fascibus,
Novi Quirites
Rusticam erigerent Dictaturam,
Ut digna tenebris perfidia
Tutior lateret;

Ean-

Eandem noctem,
Quam nascentis DEI cunis
Pietas consecrat,
Sacrilegâ cæde impiare statuit.
Prô quantum
A Bethlehemitis ovium custodibus
Bavari Pastores discrepant !
Erravi,
Etiam hi insomnes erant,
Et custodientes vigilas noctis,
Super gregem suum.
Cum medium ergo silentium
Tenerent omnia,
Infestis repentè signis
Venerunt festinantes;
Ut Christi fascias
Sanguine perfunderent,
Et natalitia inter solemnia
Cæsareo militi
Cruentum canerent matutinum.
Sed deprehensa,
Sub pastoritia larva,
Plusquam Lupina rabies,
Exclusa à Præsepi,
Et undique ferreâ indagine cincta
Quæ aliis minabatur vulnera,
Cæsa pertulit.

Qui

Qui nuntium pacis Angelum,
Audire noluerant,
Hos facta subito multitudo militiæ,
Illata trium millium clade,
Bellonæ victimas immolavit.
Ne metue;
Festivam Diei Pompam
Cruenta strage profanatam:
Non potest
Superis gratior Hecatombe cædi,
Quàm ubi ferro vindice
Perfidia cadit,



TITULUS IX.

Cæſo iterum, ac proſtigato die VIII.
Januarii ſeditioſorum exercitu, Du-
ctore eodem Excellentiffimo D. L. B. d
Kriechbaum, tota Bavaria ad debitum Au-
guſtiſſimo Cæſari JOSEPHO I. obſe-
quium reducitur.

Quàm ſerò Phryges ſapiunt
Qui tantùm plagis
Et quidem geminatis
Eruditi ſapiunt!

Attritam palmari clade
Tumultuantium perfidiam
Nondum tamen ſopitam.
Neſcio, an ſtolidam potiùs dixeris,
An pervicacem?

Quos calcare tentaverat
Cæſareos faſces,
Securi vindice armatos ſenſerat,
Et necdum ſapit.

Inter Bacchi æſtuantis orgia
Geminato furore ebriam

Credi-

Credideris infanire.

Videri poterat

Fracta turbæ ferocienti cornua,

Bicorniger Evan

Iterum reddidisse :

Ni suspicari malis

Fulgente in Capro sole

Eidem nova succrevisse.

Quis credidisset,

Quòd præter Leonis astrum

Etiam frigidum Capricorni fidus

Martialibus flammis ardeat ?

Perstrepende iterum clasico

Septena conjuratorum millia

Ad castra confluunt ;

Ut Bellonam inter & Bacchum

Hymenæum celebrent.

Aciem in agris explicant,

Ne rigente etiam hyeme

Sua iis lolia deessent.

Vexilla erigunt,

Ut ventorum ludibria

Repentino irruens turbine

Auster prosterнат.

Æneas in fronte machinas collocant,

Quæ scilicet bruto fulmine

Armigeram Jovis alitem

Ter-

Territam propulsent.
Post funestam
Ad Pergama Monacensia noctem
Auspice Regali fidere
Diem expectant Sereniorum.
Sed infelices Astrologi,
Quem Phosphorum speraverant,
Feralem sibi Hesperum
Sunt experti.
Hic nempe supremum
Hucusque dominanti perfidiæ
Occasum attulit.
Vix Mars Cæsareus
Infestis signis aderat,
Cum solo armorum fulgure
Exterriti Duces,
Ilt imminenria declinarent fulmina,
Fulmineis ocyùs alis
Auffugerunt.
Trunca sine capite acies
Nihilominus stare conata,
Cum Gradivo vindici
Arma submittere nollet,
Promiscuâ cæde
Iugulata procubuit.
Nonnulli è castris
Ad casas profugi,

Armatum ferro militem
Grandine plumbea irritare ausi;
Illato tectis incendio,
Post Bacchi hilaria
Senferunt diem cinerum adesse,
Pauci exitio elapsi,
Quam manibus tueri nequiverant,
Salutem pedibus quæsiuerunt.
His timor alas addidit,
Ut versi in Mercurios trunci
Cladis nuntium sociis referrent.
Quis non stragem Innocentium diceret,
Ubi tot victimæ
Pro Emmanuele occumbunt?
Sed defuit Herodis mucro
Et ferro vindice perierunt illi,
Qui Christum Domini sunt persecuti,
Martyres tamen vix negaveris,
Quos tormenta canonizârunt.
Crevit horum sanguine
Multitudo fidelium
Dum pertinaces cæteri
Ad debitum obsequium reducti
Legitimum Dominum
Didicerunt adorare;
Nam exiit edictum à Cæsare Augusto,
Et ibant omnes,

Ut

Ut profiterentur singuli
In suam civitatem.
Reſeratae illico
Pacem Evangelizantibus januae
Dum urbes ſingulae
Ereptas Perfidiae claves
Supplices detulerunt.
Gloria igitur in Excelsis Deo,
Et in terris Caesari,
Cujus Clementiae debet Bavaria,
Quod tormentis libera
Non amplius Martyres habeat,
Sed Confessores.





TITULUS X.

Incarnati VERBI Nutritio, Divo JOSEPHO, Austriae Tutelari, Augustae molis Colossum à Magno LEOPOLDO Caesare voto promissum, Augustissimus Imperator JOSEPHUS I. in alto Urbis Viennensis foro erexit, & die XIX. Martii publicè solennitate consecravìt.

Ut Augustam coronidem
Primo Imperii Romani Anno
JOSEPHUS PRIMUS
Semper Augustus imponeret;
Augustae magnificentiae molem
Incarnati VERBI Nutritio
Verè Augusto posuit,
Adesto Viator,
Et superbo culmine
Assurgentem in sublimia tholum,
Quem Virginei Conjugis
Coronatae Humilitati,
Davidis Haeres, Salamon erexit,
Venerabundus admirare.

Hic

Hic Pariis suffultum columnis
Augustale panditur.

Quod ab illibatis Sponsorum nivibus
Candorem dixeris attraxisse,
Non alio certè,

Quàm nativo Margaritis colore,
A Cypria immunis fuligine
Conjugalis unio
Exprimi debebat.

In Augusti Sacrarii centro
Par nobile Sponsorum emicat;
Ut, si ullibi,
Hic certè virtus

In medio consistat.

Dum Virgo Maritus, Sponsæ Virgini
Cœlibi conjugata,

Et conjugali cœlibatu jungitur;
Non poterat castus Hymen

Ectypo vivaciore exprimi,

Quàm ut statuæ nuberent.

Cùm illas immotas conspicias;

Ad tantæ demissionem Virginis

Sponsum stupore attonitum,

Ad tanti modestiam Conjugis

Virginem admiratione defixam

Credideris obriguisse.

Utriusque verecundiam

C

Ipsam

Ipsū silentium loquitur,
Quo statuae obmutescunt.
Infractæ constantiæ robur,
Adversis toties procellis
Nunquam concussū
Æs illud, quo rigent, exprimit.
Nobilium animorum pretium
Ex auro collige,
Quo virginæ effigies radiant.
Molis Augustæ latera
Hinc Puritatis, Humilitatis indè
Simulachra stipant,
Quas nempe Pronubas
Cœlestis Hymenæus habuit.
In nivei tholi fastigio
Lilia florent,
Sed aurea,
Et vel ideò, inter ignes illæsa.
Ver illud aureum nubes obumbrant
Sed pariter aureæ;
Ut percusso radiorum fulgure
Sereniorem lucem umbra accendat.
An alios, quàm imbres aureos
Ab hac nube Austria expectet?
Supremum denique apicem
Diffusis circum radis
Divinum illud Tetragrammaton illustrat,
Ne-

Neque alios,
Quàm Solis radios
Virginalis Hymen ignes habuit,
Qui fumum nescit.
Tam alti fastigii moles
Altum forum consecrare debuit,
Quod alti nomen ab illa duceret,
Si nondum haberet.
Quidni ætatem auream,
Et ver perpetuum
Omineris Austria?
Dum eâdem die
Quâ sol fidereum arietem adiit,
Hunc Divo Tutelari colossum
Augusta Pietas consecravit.
Da Magne Patriarcha veniam;
Rigidior ære putabit Austria,
Nisi tot expetitur votis,
In Cæsareæ Domûs columnen
Pretiosior auro
ARCHIDVCEM
Largiaris.

F I N I S.